



**PEREGRINATIONIS DIVI PAVLI
 TYPVS COROGRAPHICVS.**
 In quo et noui testamenti, in primis autem apostolorum historiae,
 à sancto Luca descriptae, omnia scè loca geogra-
 phica, oculis inspicienda, exhibentur.



QVONIAM IGITVR SCIMVS ET PERSVASVM HABEMVS, QVOD QVAMDIV IN CORPORE HABITAMVS, PEREGRINAMVR A DOMINO; PER
 FIDEM ENIM AMBVLAMVS, ET NON PER VISVM; PROPTEREA CONFIDIMVS ET PEROPTAMVS PEREGRINARI A CORPORE, ET ES-
 SE APVD DOMINVM NOSTRVM. SATAGIMVS AVTEM SIVE PEREGRINI SVMVS, SIVE INCOLAE, VT ILLI PLACEAMVS. 2. Corinthi. 5.

A

P E R E G R I N A T I O D I V I P A V L I .



Ad Sacrarum litterarum cognitionem conducere tabulas geographicas, omnes paulo eruditiores merito fatentur; & res quoque ipsa satis testatur. Eaque de causa hoc nostro ævo viri nonnulli eruditi operam suam liberaliter in hoc negotio communicauerunt. Inter quos primus fuit Orontius Fineus Delphinus, in sua tabula, quam ad vtriusque Testamenti intelligentiam (vt titulus præfert) concinnauit. Hunc secutus est Petrus Apianus, in sua Peregrinatione D. Pauli. Dein idem Marcus Iordanus Holsatus. Postremo Christianus Schrot, in ea tabula quam Peregrinationem filiorum Dei inscripsit. & tandem B. Arias Montanus, in suo Apparatu Biblico. Idem ego in hac tabula pro loci capacitate præstare conatus sum. non enim hæc nostra cum dictis, locorum frequentia certare posse, vt libenter fateor, sic nostram tamen æquè vt illorum ad noui Testamenti lectionem facere, verè promittere possum. Nam quemadmodum hi omnes (excepto vno Montano) maxima ex parte tabulas suas locorum prophano- rum nomenclaturis ex Ptolemæo impleuere, quæ nihil ad hoc studium sacrum faciebant: sic ego in hac mea operam dedi, ne vnum quidem locum, cuius in nouo Instrumento mentio esset, omitterem.

Hanc Diui Pauli Peregrinationis descriptionem ex Tabula Europæ
Gerardi Mercatoris desumptam hinc lubentes atteximus.

A NNO Domini 34. Hierosolyma Damascum venit, inde in Arabiam abiit, Damascum rediit, deinde Hierosolymam triennio post conuersionem, 15. diebus apud Petrum manet.

Vnde Iudeos fugiens Cæsaream Phœnicem venit, inde Tharsum, hinc à Barnaba adductus Antiochiam Syriæ, ubi annum unum agunt, atque hic Petrus à Paulo reprehensus videtur, dein simul Hierosolymam mittuntur in subsidium contra venturam famem.

Accedunt ecclesias per omnem Iudeam, & impleto ministerio iniuncto Hierosolymam redeunt, interea temporis Petrus ab Herode captus, ab Angelo liberatur.

Redeunt Antiochiam Syriæ, unde missi in opus Euangelij Seleuciam eunt assumpto Ioanne Marco, hinc per mare Salaminam Cypri, terra Paphum, mari Pergam Pamphylie (ubi Ioannes Mar. ab eis Hierosolymam decessit,) Antiochiam Pisidiæ, Iconium Licaoniæ, unde fugiunt Lysstram, deinde Derben superiorè oppida Lyconiæ, Lysstram redeunt, Iconium, Antiochiam Pisidiæ, per agrataque Pisidia Pergen Pamphylie, Attaliam Pamphylie, mari Antiochiam Syriæ, per Phœnicem Samariamque cum Tito Hierosolymam redeunt, ubi anno Domini 48. concilium Apostolorum habitum est super circumcisione & lege Moysi.

Antiochiam Syriæ redeunt, hic Paulus discors cum Barnaba, eo relicto Silam in socium accepit, per ambulantes autem Syriam & Ciliciam veniunt Derben, ubi Timotheum adsciscit Paulus, hinc superiores vrbes Licaoniæ, per Phrygiam perque Galatiam in Mysiam veniunt, deinde Troadem Alexandriam cognomine, per Samothracen insulam, perque Neapolim Philippos Macedonia, Amphipolim, Apolloniam, Thessalonicam, Berrhæam, hic reliquit Silam & Timotheum, mari Athenas, deinde Corinthum anno nono Claudij, Domini 51. sedit hic annum & menses 6. hinc cum Priscilla & Aquila Roma fugatis nauigat Genchreas, deinde Ephesum, ubi manent Priscilla & Aquila, hinc soluens nauigat Hierosolymam propter festum Pentecostes.

Cæsaream abit, deinde Antiochiam Syriæ, ubi aliquantulum temporis mansit, atque hinc per ambulans ex ordine Galatiam ac Phrygiam peruenit Ephesum, ubi vt minimum mansit annos duos & menses tres, inde anno Claudij 12. Domini 54. in Macedoniam, in Græciam seu Helladem, in Macedoniam, Philippos Macedonia anno Claudij 13. sub festum Pasche, inde per mare Troadem Alexandriam cognomine, terra Assum, mari Mitylenem, qua est in insula Lesbo, sequenti die venit contra Chium insulam, postridie Samum appulit, deinde commoratus Trogilio è regione Sami proximo die venit Mylerum, ubi valedicit presbyteris Ephesus ad se vocatis, post hæc Coum venit, sequenti die Rhodum, inde Pataram, hinc Cypro à sinistris relicta & præternauigata, Tyrum, ubi septem diebus mansit, inde nauigio Ptolemaidem, manet hic unum diem; postridie Cæsaream Palestinæ, ubi in domo Philippi euangelista manet dies complures, hic Agabus prophetat Paulo captiuitatem: tandem Hierosolymam venit, ubi apprehensus est anno Claudij 14. Domini 56.

Missus à Tribuno Claudio Lyfia Antipatridam siue Cæsaream Palestinæ ad præsidem Felicem, hic ad Cæsarem appellat. A Sidone igitur præternauigans Cyprum per mare Cilicie & Pamphylie venit Myram Lycie, deinde contra Gnidum, & præterlegens Salmonem (quod alij Samonium vocant) Crete promontorium, appellit Pulchri portum, deinde Phœnicem portum itidem Crete, Claudam insulam, & per Adriaticum mare in Melitam insulam venit, hinc Syracusas Sicilia oppidum, Regium Calabriae nunc vulgò Rhezo dictum, Puteolos Campaniæ opp. nunc Pozzolo, unde tandem itinere terrestri per Forum Appij secundo anno Neronis Romam peruenit, ubi biennio in libera custodia fuit. Postea dimissus à Nerone diu Romæ & per Italiam Christum prædicauit. Sunt qui putant solum vinculis Galliam & Hispaniam adiisse. Deniq; rursus à Nerone captus ultimo eius imperij anno, qui Domini erat 70. Romæ interficitur.